

官板

東華錄


D


十

		五	漢
		二	書
		一	門
		八	
		一	
冊	架	函	號
類			

庫文閣內		
函	五	漢
冊	二	書
架	六	
類	三	
號		

內閣文庫		
番號	漢	5111
冊數	16 (10)	
函號	286	99





淺草文庫

東華錄卷之十

三十六年正月。上欲駐蹕右衛。易于調遣。擇吉二月
 初六日辰時出師。諭理藩院尚書迪班等。今觀噶
 爾丹勢甚窮蹙。天與不取。坐失事機。應撥兵預備。今
 次出兵。亦分為兩路。兵各三千名。尋議每兵一名。從
 僕一人。給馬五匹。四兵合為一伍。帶百日口糧。駐
 扎肅州。副都統阿南達疏報。擒噶爾丹之子塞卜騰
 巴爾珠爾于哈密之地。諭撫遠大將軍伯費揚古知

東華錄

卷十

康熙三十六年

一

之。兩江總督范承勳河道總督董安國等疏言。會
勘河道。自永安以至邳宿二州縣閘王廟一帶。亟宜
脩築。得旨依所奏。速行脩理。雲梯關乃海口要地。此
處淤沙深。濬則黃河入海。不致阻滯。總河每年遣才
能河官專理。毋使壅塞。諭大學士等。觀明史。洪武
永樂所行之事。遠邁前王。我朝現行事例。行之而行
者甚多。且明代無女后預政。以臣凌君等事。但其末
年壞于宦官耳。且元人譏宋。明復譏元。朕並不以前
人輒譏亡國也。惟從公論耳。今編輯明史。著將此諭

增入脩明史敕書內。二月壬午朔。欽天監預奏日
食分數。諭曰。日食雖人可預筭。然自古帝王皆因此
而成懼。蓋所以敬天變脩人事也。若庸主則委諸氣
數矣。本年水溢地震。今又日食。意必陰盛所致。豈可
謂無預于人事乎。可諭九卿。如有人事應脩改者。悉
以奏聞。丁亥。上行兵寧夏。出德勝門。駐蹕昌平州。
尼麻唐胡土克圖前來代彼密陳其情。想到後必奏
明。達賴喇嘛已經身故。懇朕為伊掩飾。第巴既如此
奏懇。事亦可行。即此可以寬宥其罪。第巴必感恩而

衆蒙古亦歡悅矣。三月，尼麻唐胡土克圖至，果密
奏達賴喇嘛身故已十六年，再生之小達賴喇嘛已
十五歲，乞為隱諱。丁丑，駐蹕寧夏。閏三月乙未，
上自寧夏城往白塔，是日啟行。四月甲子，御舟泊布
古圖，大將軍伯費揚古疏報。閏三月十三日，噶爾丹
至阿察阿穆塔台，飲藥自盡。丹濟拉等携噶爾丹尸
骸及其女鍾齊海來歸。大臣請行慶賀禮。上曰：噶爾
丹之死，乃天所助，宜先謝天。尋丹濟拉奏：噶爾丹
尸以焚，命大將軍駒遞其女速來。五月乙未，上回

宮。給事中鄭昱條奏平定噶爾丹慶賀大禮，頒詔
款項。上曰：凡頒赦詔，皆人主之事，非人臣所宜言。自
古不以頻赦為善政者，以其便于惡人而無益于善
人也。鄭昱妄以詔款陳奏，念係言官，特從寬宥。著大
學士嚴飭之。禮部題：平定噶爾丹武功告成，應遣
官祭告，加上徽號。命史館編輯平定北寇方略。上曰：
喀爾喀厄魯特原皆納貢之國，因構釁致兵爭，噶爾
丹曾破回子中之薩馬拉罕布哈爾哈薩克布魯特
葉爾飲哈思哈爾賽拉木吐魯番哈密諸國，乃習於

戰聞之國。喀爾喀焉能抵敵。是以款塞來歸。其時若不允其內附。必淪入于厄魯特。允之。噶爾丹必假此構難。凡此皆經熟籌。非漫然受納也。噶爾丹假索取喀爾喀為名。犯我邊境。尚書阿喇厄迎戰于烏爾會之地。我師大北。噶爾丹乘勢直抵烏蘭布通。計京師未及七百里。斯時適朕躬以違和還京。左翼軍雖能勝敵。而右翼軍不能制勝。大臣而下。至軍士陣亡被創者甚衆。噶爾丹亦自知無濟。歸路遭疫。得還科卜多者不過數千人耳。當是時。即預知其必稱兵報復。

六年以來。烏蘭布通之役。時塵朕懷。正經理武備之時。噶爾丹果復舉兵。寇掠喀爾喀之納禾扎爾托者。于克魯倫之地。朕詔武臣三品以上。咸陳方畧。舉朝皆以為難。其言當討者。不過四人。朕以為斷當急圖。遂祭告天地宗廟。我師所至。上天佑助。無水之地而靈泉湧出。不毛之地而庶草蕃蕪。事悉稱意。今西北永寧。其不致蒙咎者。即幸矣。諸典禮俱依議行。徽號不必上。六月。以丹濟拉往投策妄阿喇布坦。命阿南達撤噶斯口兵。回黃。留兵馬督駐布隆吉爾等處。

探听聲息并檄內大臣索額圖大將軍伯費揚古將軍馬斯喀等從鄂爾多斯駙路而歸侍郎滿丕將軍舒恕俱着回來命大學士伊桑阿等纂修平定朔漠方畧尋馬思喀等言鄂爾多斯路遠仍率兵自鄂多里經歸化城之路進張家口七月以太和殿成遣官祭告天地宗廟社稷上巡幸塞外九月上駐蹕汗將木爾達巴漢降人厄魯特台吉丹濟拉至授散秩大臣安插張家口甲午上回宮諭宗人府禮部嗣後八旗宗室子弟有能力學屬文應與

滿州諸生一體應試編號取中策安阿喇布坦執送伊家古克三胡土克圖并其弟孟其里至磔誅之十一月癸巳京師地震微震三十七年丁亥朔正月癸卯上巡幸山西五臺山啟行二月戊辰上回宮工部議覆漕督桑額等會勘開濬下河條奏一高郵湖之水勢宜分一車兒鞏入海之口宜開一丁溪入海之口宜通一小海場入海之口宜閉一草堰場洩水之間宜增一運河之水勢宜分應今將各項工程估計具題從之四月諭大

學士等廣東海關收稅人員搜檢商船貨物概行徵稅以致商船稀少關稅缺額且海舡亦有自外國來者如此瑣屑甚覺非體著減額稅銀三萬二百八十五兩著為令七月七日京師地震直撫于成龍言霸州等處挑濬新河已竣乞賜河名并勅建河神廟旨賜名永定河建廟立碑工部議覆漕督葉額估計開濬下河應准行命九卿并准楊等處人在朝者確議具奏尋九卿奏准揚人共言開濬下河有益然此事關係甚重應令漕督會同總督巡撫確議

具奏從之八月策妄阿拉布坦遣使同我使臣內閣侍讀學士喇錫等來獻鳴爾丹骸骨上命置京城外懸掛示衆十二月副都御史吳涵言編脩檢討等員陞轉壅滯請酌復變通編脩照李清汪揖之例外補一二人少詹講讀學士等官照王士禎徐潮顧藻王九齡之例以京堂各衙門調補一二人上諭大學士曰覽吳涵奏翰林官壅滯所奏極是翰林官員係進士選拔者教習三年又行考試擇其善者始留衙門不但伊等應陞缺少以致壅滯即滿洲漢軍翰

林官亦皆壅滯其應陞缺出俱與筆帖式較俸陞補是以伊等陞轉甚遲此奏朕已知之不必令部議也三十八年二月三日癸卯上南巡閱視河工啟行辛酉御舟泊張八臘口尚書馬齊侍郎喻成龍常綬等勘視河工回奏臣等查勘索額所奏邵伯鎮南金灣小海場鮑家莊等處挑濬引河建造草壩俱無益應無庸議惟蝦鬚沙溝及與文閣草堰等處應酌量挑濬部議從之丁卯御舟泊流潦澗戊辰上閱視黃河以南高家堰歸仁堤等工回至清口三月

庚午上奉皇太后舟渡河壬申駐蹕淮安府丙子駐蹕揚州府癸未至蘇州府辛卯至杭州府戊戌回鑾九月上以喻成龍所繪河圖示大學士等曰令四海太平最重者治河一事朕前巡視知水之不治由洪澤湖水勢甚大既不能洩又加黃運兩河合併勢愈浩瀚以致泛溢昔時原有歸仁堤遙為捍禦此法最善今已淹沒不可考斬輔則築減水壩名為減水而四處奔瀉漂決甚多彼但顧上河而不顧下河水何以治朕意惟有導河稍北使彼不得

侵入清水而疏洩洪澤湖使之下流全用清水以刷淤沙如此則水自無不治矣今歲南巡見黃河逼近清口黃水倒灌以致淤墊洪澤湖水不自高家堰減水壩流入高寶諸湖自高寶諸湖流入運河以致下河田地盡被淹沒朕深為軫念又曰斬輔黃安國于成龍但知築堤禦水至于改河身水北俾清水流通並未言及若不令清水流通雖脩築堤岸黃水終致倒灌焉能禦之諭吏部比年京堂懸缺者多翰林官甚衆陞遷壅滯爾等將現出京堂之缺及翰林

官職名一併開列十一月御史鹿祐疏參順天鄉試正副考官脩撰李蟠編脩姜宸英以賓興之典為行私之地尋諭此科考試不公已極且聞代倩之人亦復混入著將舉人齊集內廷覆試尋覆試舉人等留去有差諭曰順天中式者童稚甚多物論騰沸著將李蟠等嚴加議處鹿祐題參可嘉諭大學士等于成龍奏稱清江浦西界黃水高于淮水一尺淮水高于運河之水七尺運河水高于平地七尺合而觀之淮水高于運河四堤外平地共一丈四尺今惟以

濟口自河之下流。治武家墩。由清江浦之北。另行改移。中開河身。重留八九十丈空地。兩旁堅築石堤。俾清水暢達。此所當急議者。但如是改移。朕恐別有所礙。爾等確議具奏。尋遣侍郎常綏查勘。回云。于成龍等言。遵旨改移清口。則清水自是易出。但水別時西邊從高。倘致衝決。保護為難。將高家堰減水壩堵塞。加幫修築。于成龍尋病故似有裨益。令九卿確議允行。

三十九年。月。吏部議覆湖廣督郭琇疏言。臣生父郭景昌。即墨縣學庠生郭爾標。並無妻室。何有子嗣。

伊投充黃宇昌家為奴。閩邑通知。臣伯父郭爾印。無子。以臣承嗣。于康熙十五年正月病故。有子報呈詞。可查。不知佛倫何所聞。而誣臣欺君。冒認祖父。濫膺封典。擬以草職。追奪誥命。部臣不俟行查。遂立時追繳。伏乞勅問。據大學士佛倫供舛錯。是實。應將誥命給還。佛倫事在赦前。應免議。後之。四月。吏部等衙門會議。各省舉人。吏部于每年四月十五日考試。以知縣用。並無去取。亦無分職銜大小之處。考試無益。應行停止。俱照中式年分名次註冊。挨次選用。後之。

六月禮部題御史鄭維祿奏。冒籍舉人。令其自首。議准行貢監回籍考試。議不准行。上曰。此一事俱著。依部議。主考惟在得人耳。若謂貢監在京必生情弊。豈今回籍即不生弊乎。部議不准。深為得宜。諭大學士等。前張鵬翮赴任時。朕即指示以必毀攔黃壩。挑濬芒稻河人字河。今張鵬翮毀去攔黃壩。而清水遂出。濬通海口。而河勢亦稍減。觀此則河工太可望也。時海口深通。奏請將攔黃壩改名大通口。建海神廟。從之。諭大學士九卿。今科鄉場。曾令宗室考試。

宗室朕素加恩。何患無官。嗣後停其考試。七月。諭大學士等。觀翰林官及庶吉士。內有極貧者。衣服乘騎。皆不能備。將此等查出。作作施恩。有益供職。其丁憂告假回籍之翰林院庶吉士。亦有生計艱難。無力至京者。著該督撫酌量資助。令其來京。又翰林官員專司文翰。更無他事。各省學道員缺。應與郎中並差。任滿之日。仍各回衙門。或學籤。或作何差遣。爾等會同翰林院議奏。尋議各省學政缺出。翰林官內。自侍讀侍講以下。開列職名。仰俟欽點。及翰林官內貧者。

月給銀三兩。具奏。上曰。翰林官等。所學優長。朕但知之。但其為人。尚未深悉。難以簡擇。此後學道缺出。除告假在籍。日期不論外。較俸派出。翰林貧者。給銀之處。著依議。九月。諭大學士等曰。給事穆和倫條奏。服用奢侈。本章爾等擬票申飭。朕意言官專任耳目之職。若因言而罪之。誰復敢言。又曰。今惟以大開言路。而要分流。設立科道。專為求言。所言當則行之。不當。但將原本發還。如此。則內外臣僚亦俱知儆戒矣。朕聽政四十餘年。言官有為人而言者。有受賄陳奏。

者。有報私仇而顛倒是非者。此等條奏。朕無不知。至于喪祭時。恐其僭用。朕屢經傳諭族長。著不時查察。今日久漸弛。容或有之。亦當禁止。此本著不必申飭。御史劉珩疏言。直隸永平真定等府田地。應令巡撫李光地。視其近河處。引水耕種。諭大學士等曰。水田之利。朕所洞悉。已交李光地。見令引水耕種。但不可太驟耳。今若竟定一例。諸處尅期齊舉。該部復行催查。則事必致難行矣。惟興作之後。百姓知有益。自然鼓觀。今此地亦不必開池。惟如寧夏水田。開濬溝。

渠潦則撤田水自渠出旱則放渠水入田災荒無虞矣策妄阿喇布坦處盡是水田所以全無水旱惟或一年穀米變蚊而飛或穀熟時穗內忽然成血此則彼處之災也又盛京有一種螞扎名曰沔蟲更甚于蝗蟲此處蝗蟲食苗後尚飛去沔蟲必將田禾之穗連根及葉罄食無遺方止此朕所親見十月諭大學士等曰臣下賢否朕處深宮何由得知緣朕不時巡行經歷之地必諮詢百姓以是知之因此朕欲開風聞言事之例科道官以風聞題參即行察議督撫

賢者留之不賢者去之如此則貪暴斂迹嗣後各省督撫將軍提鎮以下教官典史千把總以上官吏賢否若有關係民生者許科道員以風聞入奏倘懷私怨互相朋比受囑託者國法自在著諭滿漢掌印與不掌印科道官員知之十月皇太后六秩聖壽上恭進佛三尊御製萬壽無疆賦圍屏一架御製萬壽如意太平花一枝御製龜鶴遐齡花一對珊瑚進貢一千四百四十分自鳴鐘一架壽山石羣仙拱壽一堂千秋洋鏡一架百花洋鏡一架東珠珊瑚金珀禦

風石等念珠一九。皮裘一九。兩緞一九。多羅呢一九。呷機緞一九。沉香一九。白檀一九。降香一九。雲香一九。通天犀珍珠漢玉瑪瑙雕漆官窑等古玩九九。宋元明書冊卷九九。攢香九九。大號手帕九九。小號手帕九九。金九九。銀九九。緞九九。連鞍馬六匹。并令膳房粒米一萬粒。作萬國玉粒飯。及肴饌果品等物。進獻。

四十年三月。諭大學士等。督撫奏銷錢糧疏內銀數。有一兩不符。及四兩不符者。該部輒議駁回。事甚微。

細不得往來申奏。然後改正。殊覺多事。嗣後錯悞十兩以內者。部內即行文改正。不必議駁。三月。先是給事中馬士芳疏。泰湖廣巡撫年遐齡。狗庇布政使任風厚。老病不入大計。至是諭大學士等曰。任風厚調來引見。其年尚未衰老。可以辦事。如爾諸臣。俱係年老。坐而辦事。必須老成歷練者。方能得當。州縣官則不可。若道員以上。必以年長者為佳。不惟此也。凡一省易一大吏。一方百姓不能無累。外官惟以清廉為要。郭琇居官清廉。而辦事和平。如任風厚果係不



堪郭琇豈肯狗庇任風厚仍赴原任至言官參奏不
 寔若皆議處未敢復言高士芳著革職五月御史
 張瑗疏言西山碧雲寺後有前明太監魏忠賢墓并
 碑兩座乞賜仆毀後之諭大學士等御史杜之昂
 魏壽期所奏六本俱極冗長奏章俱有定額此本逾
 格凡言事期明晰如將無用文章闌入何益今杜之
 昂欲將邵雍後裔援為博士但數言可了若必將邵
 雍之賢一一舉出即十疏豈能盡之魏壽期所奏漢
 中府地方民生本極富庶自吳三桂叛戶口逃散此

言尤為悖謬彼處自明朝末年為流賊張獻忠屠戮
 死盡自順治十七年至康熙十一年用兵始定歷年
 無幾則人民豈遽能生聚所奏著發還至魏壽期奏
 將州縣初任後祇許到省一次謁見督撫若不時往
 來必至送禮及勒取之弊大約治道亦不在此內而
 大學士九卿外而督撫屬下之人豈俱不相往來若
 大臣無欲則屬下以廉豈關往來謁見之故也七
 月工部議御史張瑗言京畿墊道大宛兩縣每年原
 有工價銀一萬餘兩支銷至五城所派夫役並無工

食乞將五城應藝之道統歸兩縣經理從之。八月
 上巡幸塞外登索岳爾濟山。九月厄魯特策妄阿
 拉布坦遵旨解噶爾丹女鍾齊海到京赦不誅令婚
 配得所。四十二年壬午正月諭大學士等曰朕觀諸臣任科
 道時多有敢言沽直聲以得陞遷者及為大僚輒不
 敢言問以小吏皆云不知前後頗不相符因顧起居
 注官等曰朕言可詳記之。五月傳大學士九卿翰
 詹科道官一百四十餘員至保和殿頒賜御書有差

并諭曰尋章摘句華麗詞藻非帝王之本務朕四十
 餘年惟日兢兢未嘗晷刻消釋萬幾自警有始無終
 之謂念茲在茲也政事稍懈頗好書射歷年以來所
 積臨摹字幅以賜卿等。六月御製訓飭士子文頒
 發禮部命勒石太學。御書道德仁義四字額賜翰
 林院德業仁義四字額賜詹事府都吁俞喈四字額
 賜都察院。九月禮部議監生在令與俞長策試卷
 作五經文字與例不合無庸議。上曰所有五經文
 字若俱浮泛不切自不當取中若能切題旨文理明

順一日書寫二萬餘字。寔為難得。莊令與俞長策。著俱授為舉人。嗣後不必禁止。何為可定例著議。兵部議覆湖廣鎮草生員李豐等。叩闕稱鎮草紅苗肆行擄殺。地方官不究不報。謹進輿圖一紙。及被擄之地。開列進呈。得旨。着侍郎傅繼祖等馳駟往湖南詳察具奏。上巡視河南啟行。十月乙酉。京師地震。九卿議。嗣後鄉會試作五經文字者。應額外取中三名。草稿不全。免其貼出二場。于論表外。添詔詰各一道。上駐驛德州城內。諭曰。朕因閱河南巡。今

以皇太子允初患病。應即回鑾。明歲再閱視河工。十一月。免安徽省及陝西西河一帶。康熙四十二年地丁錢糧。十二月。諸王大臣士民等。以皇上五十萬壽。請上尊號。不允。是歲。人丁戶口二千四十二萬一千三百八十。田地山蕩畦地五百九十八萬六千九百九十三頃六十三畝有奇。徵銀二千七百三十九萬六千六百六十九兩有奇。米荳麥六百九千六萬八千六百七十三石有奇。草二百八萬一千六百八十八束。茶十五萬七千四百七十六引。行鹽四百三


十一萬九千四百七十五引。徵課銀二百六十九萬
 七百二十八兩有奇。鑄錢二萬三千八百六萬五千
 九百有奇。
 四十二年。丁未正月壬子。羣臣請預行慶賀萬壽恭
 進鞍馬緞疋等物。諭曰。爾等如此進獻。在外督撫必
 效之。朕必不受。朕素嗜文學。諸臣有以詩文獻者。當
 留覽。既而諸臣恭進慶祝萬壽屏。復以屏文繕寫冊
 頁。進呈。得旨。留冊頁。卻屏。壬戌十六上。巡視南河。
 庚午。過濟南府。幸巡撫署。觀珍珠泉。御書三渡濟

河即事詩一章。懸署門。觀趵突泉。御書源清流潔額。
 懸泉上。潤物額。懸珍珠泉。學宗洙泗額。懸省城書院。
 上登泰山。駐蹕泰安州。免經過地方。四十一年未完
 錢糧。二月。丙子丁丑。上由宿遷縣。五花橋渡中河。
 遍閱堤工。至宿遷縣。渡黃河。明日。遍閱徐家灣等堤。
 祥符寺。開復。細閱新修河口。登舟。徧閱堤工。已卯。
 自桃源縣。登舟。徧視河堤。御舟入清口。泊天妃閣。
 壬午。駐蹕揚州府城內。甲申。御舟渡江。登金山。
 江天寺。書動靜萬古額。懸寺中。丙戌。駐蹕蘇州府。

康熙四十二年

城內。戊子登舟。庚寅駐蹕杭州府城內。癸巳自杭登舟回鑾。乙未登陸駐蹕蘇州。戊戌自蘇州登舟啟行。辛丑自京口由陸路幸江寧府駐蹕城內。壬寅遣大學士馬齊祭明太祖陵。癸卯自江寧回鑾至鎮江避風館登舟泊金山寺。三月丁未登岸閱高家堰堤工及各處堤工。己酉乘舟歷黃河南岸觀龍窩烟墩等堤復渡黃河閱九里崗等堤。己未自揚村登岸駐南苑庚申回宮以淮黃告成頒恩詔天下恩款三十八條。四月上發出熊賜履

呈覽明神宗熹宗以下史書四本諭曰明時太監皆及見之所以彼時之事知之甚悉太監魏忠賢惡跡史書僅記其大畧而已猶未詳載也此書所載楊漣左光斗死于北鎮撫司獄中聞此二人在午門前受御杖死十太監等以布裹尸出之至于隨崇禎殉難者乃太監王承恩因此世祖章皇帝作文致祭並立碑碣此書載太監王之心從死明係錯誤尋賜履等復行詳察果係王承恩非王之心遵旨改正至于左光斗楊漣察考諸書俱云死于北鎮撫司獄故照彼



書書之。四月。正考官大學士熊賜履吏部尚書陳廷敬副考官吏侍吳涵禮部許汝霖
 授一甲進士王式丹為脩撰。趙晉錢名世為編脩。汪
 灝查慎行何焯蔣廷錫吳廷楨陳邦彥傅有德汪文
 炯陳世倌吳蟾淇汪份潘鼐震廖賡謨陸秉鑑涂天
 相萬經陳徐基朱書林祖望俞梅宋至章藻功伊泰
 揚緒劉巖王邁馬汝為西庫王居建劉圻吳連趙微
 介謝履忠單喬年耿右德劉祖任趙泰臨王士鑰董
 泰揚萬程李天祥蔣肇阿進泰吳相李士杞李堂鄭
 為龍才佳萬民欽四十九員。改庶吉士。六月御書

闡道醇儒額。命懸景州董仲舒廡。十月遣尚書席
 爾達副都統圖思海徐思海赴湖廣。招撫紅苗。上
 西巡。丁酉。幸太原府。庚子。自太原啟行。十一
 月丙辰。上幸西安府。癸亥。自西安回鑾。十二月
 壬申朔。上駐蹕河南府城內。庚寅。車駕還宮。令
 補授外官掣籤所得地方。如隔原籍五百里內。雖隔
 省。著迴避。
 四十三年正月諭曰。朕前遣侍衛至鉄索橋掛匾。還
 京。回奏。彼處督撫餽六千餘兩。夫一侍衛而費至此。

則凡部院司官筆帖式等差遣往來者又不知煩費幾何矣。二月諭大學士等近日各省學臣其中不肖之徒惟利是圖。恣不知愛惜人才。其根源在禮部科道督撫皆有規禮。故無敢直言之人。又聞提督浙江學政文志鯨將考試二三等生員內竟有加杖責者。文志鯨身係翰林特簡之使。提督學政乃如此暴戾可乎。三月川陝提督博濟言臣等會勘黃河三門中流為神門。水勢甚溜。南為鬼門。水更洶湧。北為人門。水勢稍緩。三門之下百餘步為底柱。再下二里

有卧虎灘。臣等用船載糧三十石。從卧虎灘繚挽上過人門。但急溜灘多。所在截留。豫省漕務撥運陝西。不如陸路之便。得旨會議。四月直撫李光地因河間水災飢民流入京師。自陳不職。請解任。上諭大學士等曰。李光地著留任。其居官有何可議。但彼專信門生。常為所誑。凡人口講道學。彼即深信之。夫道學豈易言哉。孔子曰。先行其言。而後從之。人之品行。必始終不易。朕始信之。若徒託之空言。而無實事。則亦何益之有。非特此也。凡有職任者。一有所為。善惡

立見更不宜輕言也。四月己卯。上幸髻髻山。九
 月。侍衛拉錫等探視河源。回奏。臣等于四月初四。自
 京起程。五月十三。至青海。十四。至呼呼布拉克。六月
 初七。至星宿海之東。有澤名鄂陵。周二百餘里。鄂陵
 西有澤名扎陵。周三百餘里。二澤相隔三里。初十日。
 至星西宿海。蒙古名鄂敦塔拉。登南山。視星宿海之
 源。小泉萬億。不可勝數。周圍羣山。蒙古名為庫爾滾。
 即崑崙也。南有山。名古爾班吐爾哈。西南有山。名布
 胡珠爾黑。西有山。名巴爾布哈。北有山。名阿克塔因。

七奇。東北有山。名烏蘭杜石。古爾班吐爾哈山下諸
 泉。西藩國名為噶爾馬塘。巴爾布哈山下諸泉。名為
 噶爾馬春穆明。阿克塔因七奇山下諸泉。名為噶爾
 馬沁危。三山之泉。流出三支河。即古爾班索羅謨也。
 三河東流。入扎陵澤。自扎陵一支流入鄂陵澤。自鄂
 陵疏出。乃黃河也。除此他山之泉。與平地之泉。流為
 小河者。不可勝數。盡歸黃河東下。臣等自星宿海。于
 六月十一日。回程。向東南行二日。登哈爾吉山。見黃
 河東流。至呼呼北羅海山。又南流。繞撤除克山之南。

東華錄 卷十一
又北流至巴爾托羅海山之南。次日至冰山之西。其山最高。雲霧蔽之。蒙古言。此山長三百餘里。有九高峰。自古至今。未見冰消。終日雲霧蔽之。常雨雪。一月中三四日晴而已。自此回行十六日。至席拉庫特爾之地。又向南行。過僧庫里高嶺。行百里。至黃河岸。見黃河自巴爾托羅海山向東北流。于歸德堡之北。達喀山之南。從兩山峽中。流入蘭州。自京至星宿海。共七千六百餘里。寧夏之西。有松山。至星宿海。天氣漸低。地勢漸高。人氣閉塞。故多喘息。十月。免浙江山

東二省康熙四十四年應徵地丁銀米。諭大學士等。戶部呈樣之斛斗升。朕俱注水詳加測量。其樣升上下四角寬窄不勻。箕積數見方得三萬一千三百八十二分有零。其樣斗上下四角寬窄亦不勻。積數見方得三十一萬六千七百六十四分零。其樣鉄斛箕積數見方得一百六十萬分。其數不相符。查性理大全嘉量篇第十二內。每斛積一百六十二萬分。與今之鉄斛較多二萬分。因鉄斛用之已久。不可輕改。是以依今之鉄斛五斗為準。造新樣斗一具。方徑八

寸深五寸積數見方得三十二萬分又造新樣升一具方徑四寸深二寸積數見方得三萬二千分若依此樣十升一斗五斗一斛毫厘不差因出新樣銅斗升赴部以鉄照式為之十一月丁酉朔日食諭大學士等曰凡人皆當五品筮仕之初即息干請于人其立意如此則他人將何所望哉或有未仕之先早已債負盈積至入官後若不脫民何以償之國家名器豈為此輩債償設乎此小器以備量四十四年正月諭部前黃河往往倒灌清口者由仲

莊閘與清口相對駱馬湖水勢湍急逆逼黃河倒灌清口朕躬臨相度命移仲莊閘改建于楊家莊出口河臣報稱黃水暢流入海絕無倒灌清口之患朕今欲特涖其地籌善後之規其中河黃河運河有應加脩防者亦隨宜指示至于山東省並于沿途親行周覽為二月諭大學士昨御史黃乘中條奏行取知縣即以科道用此為太過此言頗當滿洲漢軍俱後郎中員外始陞科道漢人則以行取知縣即陞宴屬不均交九卿議奏癸酉南巡啓行駐南苑明日于

張家灣登舟。甲午御舟泊濟寧州。浙撫張泰交疏請幸兩浙。允之。三月庚子入江南境。壬寅渡黃河。泊清江浦。閱揚家莊等處堤岸閘口。癸亥駐淮安府。乙巳泊揚州府城北高橋。戊申駐蹕江天寺。辛亥駐蹕蘇州府城內。萬壽節召河督張鵬翮諭曰。朕至清口見黃水倒灌。因以問爾。爾反稱不曾倒灌。此即爾毫不認錯處。爾居官雖好。却為主謙。張弼所欺。李光地居官亦好。但聽信揚名時虛偽道學之言。徃徃誤事。又諭曰。爾自謂一介不與。一介不取。一

介不與。則有之。一介不取。則未必然。取與不取。惟爾自知之。曩者直隸歲歉。巡撫沈朝聘曾奏。民食粗糲。故臣亦食粗糲。朕謂之曰。爾食粗糲。不過在百姓面前耳。若在署中。豈亦然耶。即果食粗糲。不能有濟民生。有何益哉。己未駐蹕松江府城內。貢生孫銳等奏稱。青浦之北地名孔宅。自漢時至聖苗裔避地至此。賜聖書聖跡遺徽匾額。四月甲子朔。泊嘉興府。丙辰駐蹕杭州府城內。命掌院學士揆叙考試浙江舉貢生監等詩字。以顧祖雍顧寧遠二人

記名。庚午移駐西湖行宮。癸酉上登舟回鑾。戊寅命揆叙考試蘇州等府舉貢生監詩字。記汪泰來等五十三人名。甲申上登陸路。幸江寧府。乙酉駐城內。考試江寧舉貢生監詩字。記錢榮世等五人名。庚寅上自江寧啟行。明太祖陵自東角門入。諭曰。非爾等導引。有失。特朕之敬心耳。辛卯。駐蹕江天寺行宮。癸卯。幸高家堰。徧閱河堤。辛酉。回宮。五月。吏部題原任大學士吳璵原缺。得旨。舊例大臣病故。必俟其靈柩還籍。方請補授。乃國家


眷念大臣之意。今吳璵尚未發引。何亟亟乃爾。六月。吏部議覆。嗣後應將行取知縣。到部引見。後以各部主事挨班補用。遇考選時。方准考選。至初任之中。行評博。亦俟伊等陞任後。始准考選。科道考選時。將正途出身之六部郎中員外主事。中行評博。及翰林院編脩檢討。一同開列。听候簡用。從之。八月丁酉。朔。京師地微震。十一月。大學士等。以鄂羅斯貿易。來使齋至原文。繕譯之。文進呈。上閱之。諭曰。此乃喇提諾北多烏祖克鄂羅斯三種文也。外國文。亦有

三十六字母者亦有三十字五十字者朕交喇嘛
 詳考視之其來源與中國同但不分平上去聲而尚
 有入聲其兩字合音甚明中國平上去入四韻極精
 兩字合音不甚要緊是以學者少漸至棄之問翰林
 院四聲無不知者問兩字合音則不能知中國所有
 之字外國亦知之特不全耳大學士等以蠲免湖
 廣錢糧上諭進呈上問曰曾查此數年蠲免錢糧
 數目否馬齊等奏曰自康熙四十二年以來蠲免一
 千六百餘萬上曰自吳三桂變亂之後民甚艱難故

朕累年蠲免錢糧民生優裕則國家太平矣爾等可
 查康熙元年以來所免錢糧總數來奏尋奏查自元
 年以來所免錢糧共九千萬有奇報聞十二月諭
 大學士等今年順天鄉試聲名不佳人或怨其不公
 又聞試卷不加閱點者甚多應試者各執落卷以示
 人又作草人至試官家門砍之觀其舉動人怨殆不
 可言矣朕至避暑處點汪霏姚士藹為正副考官以
 為出人意料朕親手封發當不復生弊矣由此觀之
 亦不在此但存乎其人之所行而已科場之設以為

選擇人才之地。于此事而行之不正。雖學問優長。何益之有。科道官專在言職。何不奏劾。亦將此問科道官。尋議考官汪霽姚士嵩照溺職例革職。永不叙用。後之。四十五年正月。九卿議覆。兩江督阿山等疏言。黃淮運河諸工。事關重大。請聖駕親臨指示。應如所請。並屢次疏請俯從。不允。二月二十七日丙辰。京師地震。震。三月上親定殿試卷一甲三名。不合式十一卷。令再三年殿試。其文理謏劣二人陶仁明黜革。馬

芝秀仍留舉人。又張勿我郭璜二人亦皆黜革。尋陳廷敬奏。會元尚居易首篇一千二百餘字。文亦不佳。向來作文。不得過六百五十字。所作違例。應黜革。從之。考官皆獲罪有差。四月。授庶吉士。等為編脩檢討。其涂天相謝履忠馬汝為柯喬年萬民欽李天祥劉圻楊緒萬經胡相季堂劉祖任王邁朱書伊泰西庫才住高其偉董泰何焯文義荒疎。不准授職。再教習三年。盛度阿進泰耿右德文字俱劣。俱革職。十月。諭大學士等。前遣護軍統領席柱等。擒假達



賴喇嘛及第巴妻子時諸皇子及諸大臣俱言一假
 達賴喇嘛擒之何為朕意以眾蒙古俱傾心歸向達
 賴喇嘛此雖係假達賴喇嘛而有達賴喇嘛之名眾
 蒙古皆服之倘不以朝命遣人往擒若為策妄阿拉
 布坦迎去則西域蒙古皆向策妄阿拉布坦矣故特
 遣席柱前去席柱方到其地策妄阿拉布坦果令人
 來迎以此觀之若非遣人前往則假達賴喇嘛必北
 歸策妄阿拉布坦矣至西域回子及蒙古今衰弱已
 極欲取之亦甚易但并其地不足以耕種得其人不

足以驅使且現今伊等已俱恪守法度是以不取此
 等情事漢大學士及九卿等想俱未深悉可將朕諭
 示之十月免山西陝西甘肅江蘇安徽浙江江西
 湖北湖南福建廣東各省自康熙四十三年以前未
 完地丁銀二百一十二萬二千七百兩有奇糧十萬
 五千七百石有奇其直隸山東積欠錢糧今年供已蠲免十一月諭大
 學士等曰噶爾丹遇我軍于克魯倫之地未嘗交戰
 乃往西路遇西師進擊盡被殺戮西路兵獲其牛羊
 一千餘萬甚為得濟此乃天意也昔吳三桂兵圍永

興城危在旦夕矣。三桂一死，其兵皆退，此亦天意也。十二月內閣九卿等奏請聖駕閱視溜淮套工程。得旨朕年已漸增，懈于臨幸，尋會議據原任兩江督阿山及督脩都統孫渣齊等各奏，必得皇上親歷河十面授方畧，則奠寔之功可立成。上奏聞皇太后奉懿旨允之。諸臣詳勘地形，請于溜淮套別開河道，直達張福口，以分淮勢。事聞創建，故再三陳請云。四十六年正月二十二日，上南巡閱河啟行。二月壬寅，御舟泊清河縣運口。是日往閱武家墩。癸亥。

上閱視溜淮套，由清口登陸，詳看地勢，御行宮門，問張鵬翮曰：爾何所奏開溜淮套？鵬翮對不稱旨。上曰：今日沿途閱看，見所立標竿鋪襍，問爾時全然不知，河工係爾專責，此不留心，何事方留心乎？鵬翮不能對，免冠叩首。上顧諸臣曰：前阿山等察看泗洲水勢，奏溜淮套地方，另開一河，出張福口，可以分洩淮水，免洪澤湖之異漲，保高家堰之危險。昨日閱武家墩，尚請果如阿山等所奏。今日乘騎從清口至曹家廟，詳看見地勢甚高，難開鑿成河，亦不能直達清口。

與伊等進呈圖樣。迥乎不同。且所立標竿。多有在墳上者。若依之開河。不獨壞民田廬。甚至毀民墳塚。朕惟恐一夫不獲其所。何忍發此無數枯骨。數年來。兩河平靜。民生安樂。何必多此一事。先年來。靳輔所開中河。九漕運商民船隻。避黃河一百八十里之險。至今人追念之。但所開上因應河疏濬。今欲開溜淮套。必至鑿山穿嶺。不惟斷難成功。即或成功。將來汎水泛濫。不漫入洪澤湖。必致衝決運河矣。又諭大學士馬齊曰。朕看南旺湖水分南分北。用意迥異常人。朕

深嘉其才。馬齊奏云。挑水壩芒稻河鮑家營諸工。皆係皇上指示。超出南旺分水之上。上曰。分水事屬創舉。今所開之河。由舊疏濬。與創舉不同。張玉書云。引汶水分南北流。是當日老人白英建議。其策原善。今皇上睿裁。築御壩。開引河。俾淮水敵黃。黃水趨海。此萬世之利。亦萬世之良法也。上曰。明代淮黃與今迥別。明代黃水勢強。非淮弱。故有倒灌之患。今漸次脩治。淮強黃弱矣。然與其開溜淮套無益之河。不若將洪澤湖出水之處。再行挑濬。今其寬深。使清水愈加

暢流至蔣家塌天然壩一帶舊有河形宜更加挑濬使通運利小河俾商民船隻皆可通行即漕船亦可輓運為利不淺矣甲辰上自曹家廟回清口將所立開河標竿盡行撤去百姓踴躍歡忻諭馬齊等曰天下事有益者自宜亟行無益斷不可輕舉譬如人身有病方可用藥餌針砭如無病之人故告以割肉可得延年斷無聽從之理開河事亦類此是日江南百姓叩請臨幸允之丁未駐蹕淮安城內杭州兵民籲請巡幸浙江允之庚戌泊揚州三月二

日乙卯駐蹕江天寺丙辰泊鎮江府己未駐蹕江寧府城壬戌詣祭明太祖陵至大門下輦由東門陞殿甲子自江寧登舟啟行乙丑登陸丙辰抵鎮江登舟己巳駐蹕蘇州府城內丙子駐蹕松江府城內壬午御舟泊嘉興府岳廟四月甲申駐蹕杭州府城內甲午登舟泊仁和縣塘棲丁酉駐蹕蘇州府城內庚子駐蹕虎邱乙巳駐蹕江天寺五月甲寅渡黃河癸酉上回暢春園十月浙撫上然疏言奉命賑濟時杭嘉等處少雨無收查常平

倉積粟無多。請照山東例。于常平倉開例捐納。命大學士等曰。浙省被災州縣。亦照江南著總漕桑額。會同該撫截留漕糧賑濟。何必捐納。十二月。以旱免江南浙江通省人丁額征銀六十九萬七千七百餘兩。其安徽江蘇被災應征康熙四十七年田畝銀共二百九十七萬五千二百餘兩。糧三十九萬二千餘石。浙江應征四十七年田畝銀九十六萬一千五百餘兩。糧九萬六千餘石。亦俱著免徵。四十七年七月。暹羅國王森列拍照廣拍馬噶陸坤

司由授耶菩埃遣陪臣進貢。九月上。駐蹕布爾哈蘇台。召諸王大臣文武官集行宮前。命皇太子允礽跪上。垂涕諭其不法祖德。不遵誨諭。肆惡虐衆。暴戾淫亂。諭畢痛哭仆地。旋諭將允礽拘執幽禁。并親撰告祭天地太廟社稷文。廢斥之。幽禁成安宮。十一月。以大阿哥直郡王允禔令蒙古喇嘛巴漢格隆咒咀廢皇太子用術鎮壓。革去王爵。幽禁于其府內。凡土三旗所分佐領。盡撤回。給與允禔。命達爾漢親王額駙班第等與漢大臣會同詳議于諸阿哥中。衆議

東華錄 卷十
誰屬皆曰。此事關係甚大。非人臣所當言。內官強之。內大臣阿靈阿鄂倫岱揆叙王鴻緒。遂私相計議。與諸大臣暗通消息。書允禩八阿哥五字于紙。交內侍轉奏。上諭八阿哥未更事。近又罹罪。且母家賤。令再思之。以廢皇太子病由魘魅。至是治療已痊。諭衆釋之。十二月。吏部等察議。原任內閣學士宋大業。疏叅偏沅巡撫趙申喬。輕褻御書等款。俱經趙申喬辨明。應無庸議。其趙申喬所奏。宋大業兩次奉差湖南。共得銀九千餘兩。宋大業已經自認。應革職杖流。銀

追入官。趙申喬奏內首明餽銀。應減罪二等。革職擬徒。旨趙申喬降五級留任。宋大業後寬免杖流。餘依議。

東華錄卷十

